


րանի և Մանկապարտէզի բոլոր բաժանումներն ունին իրենց սրահներն ու դասարանները. ստորին յարկին մէջ կը գտնուին խաղաղայրը և ճաշարանը: Նախակրթարան ու Մանկապարտէզ այժմ կը յաճախեն իբր 400 աշակերտներ:



Ի Դ

ԳՈՂԳՈԹԱՅԻ ՄԵԾ ԵԿԵՂԵՑԻՆ ԿԱՍ ՄԱՏՈՒՌԸ

Երկու հնագոյն աղբիւրներու, 1192 ի Մաշկետը վանքին մէջ ընդօրինակուած ձաշոցի մը և Դ. դարու ուղեգիր օտար Ուխտաւորուհիի մը Օրագրութեան վրայ յենելով, ասկից յառաջ ներկայացուցած ենք Երուսաղէմի Համբարձման լերան Աշակերտարանի և Բլրի եկեղեցիներուն մէջ կատարուած կրօնական պաշտամունքի ժողովները, և յետոյ նկարագրած ենք այդ երկու եկեղեցիներուն պատմական ծագումը և զանազան փոփոխութիւնները: Այս անգամ ալ կը փափաքինք մեր ընթերցողներուն ծանօթացնել, զարձեալ նոյն երկու յիշատակարանաց վրայ յենելով, Գողգոթայի մեծ եկեղեցիին մէջ կատարուած տարեկան պաշտամունքի ժողովները և յետոյ բացատրել այդ մեծ եկեղեցիին կամ մատուռին հիմնարկութիւնը և ժամանակի ընթացքին անոր կրօնական պատմական փոփոխութիւնները:

Նոյն եկեղեցիին կամ մատրան մէջ կատարուած երկու աղբիւրներու յիշած պաշտամունքի ժողովներու յիշատակութեան ցուցակը հոս կը դնենք, զանց ընելով օրուան ընթերցումներուն մանրամասնութիւնները.

(Ըստ ձաշոցի). — Հինգերորդի առաւել (Մինդեան) ժողովն է առաջ Գողգոթա և այս կանոն կարարէ . . . :

— Երկուշաբթի առ է Զարիկն պահոցն ժողովն է առաջ մատրանն է քաղաքն է դասներորդ ժամու և այս կանոն կարարէ . . . :